

Broj: 0101-11536-7/20

Sarajevo, 18. 01. 2021. godine

Na osnovu člana 70. stav (1), (3) i (6) Zakona o javnim nabavkama („Službeni glasnik BiH“ broj: 39/14) i člana 62. Statuta Univerziteta u Sarajevu, nakon provedenog otvorenog postupka za javnu nabavku Robe – Mrežna i telekomunikacijska oprema za uspostavljanje lokalne računarske mreže – LAN i WLAN članice akademske mreže UNSA, pilot projekat, na preporuku Komisije za javnu nabavku broj: 0101-11536-6/20 od 13. 01. 2021. godine, rektor Univerziteta u Sarajevu donio je

ODLUKU o izboru ponuđača i dodjeli ugovora

Član 1.

Prihvata se preporuka Komisije za javnu nabavku broj: 0101-11536-6/20 od 13. 01. 2021. godine i ugovor o javnoj nabavci Robe – Mrežna i telekomunikacijska oprema za uspostavljanje lokalne računarske mreže – LAN i WLAN članice akademske mreže UNSA, pilot projekat, **dodjeljuje ponuđaču DISTI d.o.o., ul. Safeta Zajke 2, 71000 Sarajevo, čija ukupna cijena ponude iznosi 60.000,00 KM bez PDV-a** (slovima: *šezdesethiljadakonvertibilnihmaraka i 00/100*), što sa uračunatim PDV-om iznosi: 72.000,00 KM (slovima: *sedamdesetdvijehiljadekonvertibilnihmaraka i 00/100*), iz razloga što je u otvorenom postupku kao jedini ponuđač dostavio prihvatljivu ponudu.

Član 2.

Izabrani ponuđač dužan je na adresu Univerziteta u Sarajevu, Obala Kulina bana 7/II, 71000 Sarajevo, u roku od 3 (tri) dana od dana zaprimanja ove Odluke, **dostaviti originale ili ovjerene kopije dokaza traženih Tačkom 13.1. Tenderske dokumentacije, sve taksativno kao što je navedeno u Tački 13.1. podtačke a.1), a.2), b), c) i d)**, ne starije od 3 (tri) mjeseca od dana predaje ponude, **te original ili ovjerenu kopiju dokaza traženog Tačkom 13.3 podtačka 13.3.1. Tenderske dokumentacije**, u skladu sa dostavljenim izjavama ponuđača.

Član 3.

Ova Odluka će biti objavljena na web stranici Univerziteta u Sarajevu www.unsa.ba, istovremeno sa upućivanjem ponuđaču, u skladu sa članom 70. stav 6. Zakona o javnim nabavkama.

O b r a z l o ž e n j e

Na osnovu Odluke o pokretanju postupka javne nabavke broj: 0101-11536-1/20 od 18. 12. 2020. godine Univerzitet u Sarajevu pokrenuo je otvoreni postupak za javnu nabavku Robe – Mrežna i telekomunikacijska oprema za uspostavljanje lokalne računarske mreže – LAN i WLAN članice akademske mreže UNSA, pilot projekat.

Za provođenje postupka javne nabavke, Odlukom broj: 0101-11536-2/20 od 18. 12. 2020. godine imenovana je Komisija za provođenje predmetnog postupka javne nabavke.

Obavještenje o javnoj nabavci broj: 999-1-1-153-3-122/20 objavljeno je na Portalu javnih nabavki dana 22. 12. 2020. godine. Istog dana, na Portalu javnih nabavki objavljena je i Tenderska dokumentacija broj: 0101-11536-3/20. Sažetak Obavještenja o javnoj nabavci broj: 999-1-1-153-3-122/20, objavljen je u „Službenom glasniku BiH“ broj: 84/20 od 25. 12. 2020. godine.

Iz Izvještaja o preuzimanju tenderske dokumentacije, kreiranog sa Portala javnih nabavki dana 07. 01. 2021. godine, vidljivo je da su, u periodu koji je ostavljen za dostavljanje ponuda (do 07. 01. 2021. godine), sa Portala javnih nabavki Tendersku dokumentaciju broj: 0101-11536-3/20 objavljenu dana 22. 12. 2021.

godine preuzeli sljedeći potencijalni ponuđači: Ekapija doo, NV- Invest, Unilab d.o.o. Agencija za zaštitu ljudi i imovine, Imtec d.o.o. Sarajevo, BBS Europe, Prointer itss doo, Lanaco doo, Logosoft d.o.o., Roaming Networks doo, S Consalting d.o.o Mostar, Blicnet d.o.o., "Digital line" d.o.o. Sarajevo, Infonet d.o.o., Disti d.o.o., Udruženje za borbu protiv korupcije "Transparency international" u Bosni i Hercegovini, Mibo komunikacije d.o.o., Telenet d.o.o. Sarajevo, G&T inženjering, Telegroup doo Sarajevo, ITD d.o.o. Sarajevo, "Prinster itss" d.o.o. Sarajevo, Ping d.o.o.

Iz Izvještaja o pitanjima i odgovorima u vezi sa tenderskom dokumentacijom, kreiranog sa Portala javnih nabavki, vidljivo je da u periodu koji je ostavljen za dostavljanje pitanja i odgovora, od strane potencijalnih ponuđača, nije bilo postavljenih pitanja i zahtjeva za pojašnjenje Tenderske dokumentacije.

Od strane potencijalnih ponuđača nije bilo žalbi na Tendersku dokumentaciju.

Iz Zapisnika o otvaranju ponuda vidljivo je da je dana 07. 01. 20210. godine u 11:00 sati, Komisija za javnu nabavku, izvršila javno otvaranje blagovremeno dostavljene ponude sljedećeg ponuđača:

R.br.	Naziv i sjedište ponuđača	Broj prijemnog protokola	Datum i vrijeme prijema ponude
1.	DISTI D.O.O. SAFETA ZAJKE 2 71000 SARAJEVO	0101-124/20	07. 01. 2020. 10:25

U Zapisniku o otvaranju ponuda konstatovano je da nije bilo neblagovremenih ponuda. Na javnom otvaranju ponuda ispred firme DISTI d.o.o. nije bilo prisutnog predstavnika ponuđača, a od strane članova Komisije i ostalih prisutnih nije bilo primjedbi na postupak otvaranja i ostale priopćene informacije. Sačinjen je Zapisnik o otvaranju ponuda te ponuđaču poslat putem pošte.

Komisija za provođenje postupka nabavke je u Zapisniku o otvaranju ponuda sačinila sažetak ponude primljene u roku:

R.br.	Naziv i sjedište ponuđača	Ponudeni popust	Ukupna cijena ponude
1.	DISTI D.O.O. SAFETA ZAJKE 2 71000 SARAJEVO	0,00	Cijena: Bez PDV-a: 60.000,00 KM Sa PDV-om: 70.200,00 KM

Komisija za javnu nabavku je nakon provjere računske ispravnosti dostavljene ponude utvrdila da u ponudi ponuđača DISTI D.O.O. Safeta Zajke 2, 71000 Sarajevo nije bilo računskih grešaka, te da je ponuda ponuđača računski ispravna.

U cilju ocjene ispunjavanja uslova za primjenu preferencijalnog tretmana domaćeg, nakon pregleda ponude, Komisija je utvrdila da se na ponudu ponuđača DISTI d.o.o., ne primjenjuje preferencijalni tretman domaćeg.

Iz Zapisnika Komisije za javnu nabavku vidljivo je da je Komisija započela sa pregledom ponude dana 07. 01. 2021. godine, kako bi utvrdila da li ponuđač ispunjava uslove iz člana 45. do 49. Zakona o javnim nabavkama koji su traženi Tenderskom dokumentacijom, kao i da bi utvrdila da li je ponuđač dostavio tehnički zadovoljavajuću ponudu, te da li je kvalifikovan za nabavku predmetne robe.

Nakon pregleda ponude ponuđača DISTI d.o.o., Komisija za provođenje postupka javne nabavke utvrdila je da ponuđač ispunjava sve uslove za kvalifikaciju tražene Tenderskom dokumentacijom, pa je ponudu ponuđača ocijenila kao prihvatljivu.

Na osnovu navedenog, Komisija za provođenje postupka javne nabavke dala je preporuku rektoru Univerziteta u Sarajevu da za nabavku Robe - Mrežna i telekomunikacijska oprema za uspostavljanje lokalne računarske mreže – LAN i WLAN članice akademske mreže UNSA, pilot projekat, u skladu sa članom 69.

stav 1. tačka a) i članom 70. Zakona o javnim nabavkama, donese odluku o izboru i dodijeli ugovor ponuđaču, DISTI d.o.o. Safeta Zajke 2, 71000 Sarajevo, čija ukupna cijena iznosi: 60.000,00 KM bez PDV-a (slovima: *šezdesethiljadakonvertibilnihmaraka* i 00/100), što sa uračunatim PDV-om iznosi: 72.000,00 KM (slovima: *sedamdesetdvijehiljadekonvertibilnihmaraka* i 00/100), iz razloga što je u otvorenom postupku kao jedini ponuđač dostavio prihvatljivu ponudu.

Primjenom člana 69. stav (1) tačka a) i člana 70. Zakona o javnim nabavkama, prihvaćena je preporuka Komisije za javnu nabavku i odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ovog ugovornog organa u pisanoj formi. Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama.

REKTOR


prof. dr. Rifat Škrijelj



Dostaviti:

1. DISTI d.o.o., ul. Safeta Zajke 2, 71000 Sarajevo
2. Služba za računovodstvo i finansije
3. Služba za javne nabavke
4. web stranica UNSA
5. a/a

Prilog:

- Zapisnik o pregledu i ocjeni ponuda